



**Volumen Epistolarum, Qvas Romani Pontifices, Gregorius
III., Stephanvs III., Zacharias I., Pavlvv I., Stephanvs IV.,
Adrianvs et Pseudopapa Constantinus miserunt & reges
Francorum, Carolvm Martellvm, ...**

Gretser, Jacob

[München], 1613

Jtem exemplar Epistolæ eiusdem Papæ, ad Domnum Carolvm, &
Carlomanum Reges directa, in qua continentur vberrimæ benedictiones
& pro eorum fraternitatis concordia, gratiarum scitiones, & de iustitiis ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

Agnoscat autem Deo amabilis religiositas vestra atq; Christianissima excellentia tua, eo quod in nomine domini bona voluntate nobis conuenit cum præfato Excellentissimo, & à Deo seruato filio nostro Desiderio Rege, & omnes iustitias B. Petri ab eo plenius & in integro suscepimus; tamen & per vestros Missos de hoc plenissime eritis satisfacti. Deus autem omnipotens sua vos protectionis dextera circumtegat, & præsentis regni gubernacula* æuis atq; prosperis temporibus perfrui annuat, & æterna præmiorum gaudia multipliciter faciat adipisci. Incolumem religiositatem vestram atq; excellentiam tuam gratia superna custodiat.

*Item exemplar Epistola eiusdem Pape, ad
Domnum Carolum, & Carolomannum Reges directæ, in qua
continentur vberissima benedictiones & pro eorum
fraternitatis concordia, gratiarum actiones,
& de iustitiis sancti Petri.*

XLVII.

DOMNIS excellentissimis filiis Carolo, & Carolomanno Regibus Francorum, & Patriciis Romanorum Stephanus Papa. Benedictus Dominus DEVS noster, pater misericordiarum & Deus totius consolationis, qui consolator & propitiator existit omnium inuocantium eum in veritate. Ipse enim redemptor noster preces clamantium ad se exaudiens mœrentium tribulationes ad gaudiũ conuertit, q; certè nũc in nobis atq; vniuerso peculiari populo sanctæ Dei Ecclesię eius, diuinę pietatis clementiã & misericordiã benignitatẽ cernimus esse diffusã, in eo, q; nostrę orationis vota exaudiens & mœroris nostri

*longauit.

Memina-
runt huius
Epistola
Bar. &
Cent.

nostri lamentationem, quã vsque hæcenus habuimus ex ipsa diuisione discordiæ, quam antiquus hostis, inimicus pacis, intra vestram fraternitatem immiserat; nunc, Deo propitio, eodem pestifero æmulo confuso, in communem dilectionem & concordiam, vt vere vterinos & germanos fratres, vos connexos esse dicentes, in magnam lætitiã conuertere dignatus est.

Itaq; præcellentissimi filij, magni victoriosissimi Reges & Dei prouidentia nostri Romanorum Patri- cij, coniungentes ad nos fidelissimi ac solertissimi vestri Missi, scilicet Gauzibertus Reuerendissimus & Sanctissimus frater noster Episcopus; atque Fuchbertus religiosus & Ansfredus seu Helmgarius gloriosissimi vestri, detulerunt nobis honorabiles, & nimis desiderabiles Syllabas vestras à Deo instituta regali potentia directas; per quas innotuistis, contentionis rixas ac litigia inter vos versata fuisse, sed, annuente Domino; nunc ad veram dilectionem, & vnitatis concordiam, & fraternum amorem conuersi extitisse videmini; quo audito, magno gaudio atq; lætitiã, vna cum vniuerso populo nostro istius prouinciæ, à vobis redemptæ, repleti sumus, & gemina festiuitatis gaudia peregrinus immensas Deo nostro omnipotenti referentes gratiarum actiones, atque victricem eius clementiam collaudantes, consona cum prophetica voce cantantes atque dicentes. Benedictus es Domine Deus noster & benedicta omnia opera tua; ecce enim nunc gaudet Deus noster in cœlis, gaudet & vniuersus chorus Angelorum, & in terra etiam cunctus exultat populus Christianus, & solus Diabolus inimicus pacis, & discordiæ seminator, luget, dum victum se esse & superatum conspicit: non enim aliter fide-
liũ men-
tes

tes existimare poterant peruenire, quã quod nunc factum esse gaudemus, si Deus omnipotens illam pacem & fraternã dilectionem in vobis multiplicet, & multiplicatam corroboret, quam suis donauit sanctis Apostolis. Vnde de vestra vnitatem etiam sancta spiritualis mater vestra, Dei Ecclesia, & eius vniuersus populus exultat. * Nam si verò & in his ipsis vestris ferebatur. * *namq;* apicibus, tota vestra virtute vos esse decertaturos, pro exigendis iustitiis protectoris vestri, B. Petri, & sanctæ Dei Ecclesiæ, atq; in ea promissione amoris, quæ à vestro pio genitore, sanctæ recordationis, Domino Pipino, eidem principi Apostolorum, & eius Vicariis, facta est, polliciti estis esse permansuros, & plenarias iustitias sanctæ Dei Ecclesiæ, atq; eius exaltationem esse operaturos. Et quidem nos, excellentissimi filij, Christianissimi magni Reges, omnino de hoc certi, atq; in omnibus satis facti sumus; quod nulla hominũ suasio, aut thesaurorum copiosa datio vos poterit declinare, aut ab eadem vestra promissione, quam B. Petro spondidistis, quoquomodo immutare, tamen nunc firmitatem vestram comprobauimus, dum non corruptori & fragili homini, sed Deo omnipotenti & eius Apostolorum principi, placere procurastis. Vnde obnixè, tanquam præsentialiter, petimus, & corã Deo viuo, qui vos regnare præcepit, coniuramus Excellentiam vestram, vt plenarias iustitias B. Petri, sub nimia velocitate, secundum capitulare, quod vobis per præsentem vestros fidelissimos Missos, direximus, exigere, & B. Petro reddere iubeatis; sicut & vestra continet promissio, & omnia, quæ B. Petro, & eius Vicariis, cum vestro, sanctæ memoriæ, progenitore promissistis, adimplere dignemini, quatenus intercedente eodem

dem principe Apostolorum, perfectam ab omnipotenti Deo in praesenti vita, & futura beatitudine suscipiatis, post Deum in nobis habemus fiducia, & in vestro amore atq; caritatis dilectione firmiter, usque ad animam & sanguinis effusionem, vno cum vniuerso populo permanemus atq; permanebimus. Tamen & de hoc & de omnibus iustitiis B. Petri praedictis vestris. Missis subtilius locuti sumus, vestro regali culmini cuncta enarranda, & iam, sicut terra sitiens imbrem prestolatur; ita vestrum auxilium & congruum effectum de nostris petitionibus postulamus.

Et videte, excellentissimi filij, quia obtestamur vos per tremendum diem iudicij. Etiam B. Petrus per nos vos adhortatur, atq; obtestatur, vt sub nimia velocitate ipsas iustitias eiusdem principis Apostolorum, exigere à Langobardis iubeatis, fortiter eos cum Dei virtute dstringentes, vt sua propria idem princeps Apostolorum, atq; sancta Romana Ecclesia recipiat; nam si, q, non credimus, ipsas iustitias exigere neglexeritis, aut distuleritis, sciatis vos de istis rationem fortiter ante tribunal Christi eidem principi Apostolorum esse facturos. Si quis autem vobis dixerit, quod iustitias B. Petri recepimus, vos villo modo ei non credatis. Deus autem omnipotens sua vos dextera protegat, & victoriam vobis de caelo tribuat, suumq; angelum ante faciem vestram mittat, qui vos praecedat, & inimicos vestros coram vestris prosternat vestigiis, atque à Deo instituti regni vestri terminos dilater, & praesenti regno longeuiter ac prospere gubernacula perfrui faciat; etiam & post huius vitae longauitatem, caelestia vobis regna per infinita tribuat saecula possidenda.

Item.